

Inter deglutiendum nimirum, cum tam pharyngis quam laryngis adscensu descensuque opus esset, rei toti exquisitè provisum est septena hac musculorum paratione, sursum his, deorsum illis trahentibus. Posterior ordo cricothyroidem sibi adsciscit dilatatorem anticum thyroidis: contractorem verò cricothyroidis lateralem.

Cartilagini autem arytenoidi apertor famulatur cricoarytenoideus posticus, ac thyroarytenoideus apertoris auxiliator cum arytenoideo eandem claudente. Omne id tam dilatandi & constringendi, quam aperiendi & claudendi gratia: cui priori negotio thyroides, posteriori autem arytenoides cartilago præfecta est; undè earum quoque insertiones Galenus quantumvis minùs sagaciter, odorari aliquantillum, de gravissimo magni Anthropographi iudicio, conatus est.

Qui *Quatuor* insuper addere gestiunt, sic (utinam sine istius Anatomicorum choragi præiudicio) censent; decem thyroidi, octo verò arytenoidi dari ancillantes.

Priorum octo dilatant, reliqui duo claudunt. Illud agunt *Sternohyoideus* & *Stylohyoideus*, longi sanè, exiles tamen & graciles: ac lati brevesque totidem, *Hyorhyoideus* & *Cricothyroideus*.

Adstrictorum autem thyroides cartilago mittit paria duo *Acanthoidum* (quos nemo sanè Anatomicorum præter nostrum nominavit *Chirurgum*) transversantim.

Aperiunt igitur cricoarytaenoideus posterior, & lateralis: claudit verò Thyroarytenoideus, uterque,

C